

(5) וְהָיָה | שְׂאֲרֵית יַעֲקֹב בְּקֶרֶב עַמִּים רַבִּים כְּטַל מֵאֵת יְהוָה
 כְּרִבִּיבִים עָלֶי-עֶשֶׂב אֲשֶׁר לֹא-יִקְוֶה לְאִישׁ וְלֹא יִיחַל לְבְנֵי
 אָדָם: 7 וְהָיָה שְׂאֲרֵית יַעֲקֹב בַּגּוֹיִם בְּקֶרֶב עַמִּים רַבִּים
 כְּאֲרִיָּה בְּבַהֲמוֹת יַעַר כְּכַפִּיר בְּעֵדְרֵי-צֹאן אֲשֶׁר אִם-עֶבֶר
 וְרָמַס וְטָרַף וְאִין מִצִּיל: 8 תָּרַם יָדָךְ עַל-צָרֶיךָ וְכָל-אֲיִבֶיךָ
 יִכְרְתוּ: 9 וְהָיָה בַיּוֹם-הַהוּא נֹאֵם-יְהוָה וְהִכַּרְתִּי סוּסֶיךָ מִקֶּרְבֶּךָ
 וְהֶאֱבַדְתִּי מִרְכַּבְתֶּיךָ: 10 וְהִכַּרְתִּי עָרֵי אֶרֶץ וְהִרְסֵתִי
 כָּל-מִבְצָרֶיךָ: 11 וְהִכַּרְתִּי כְּשָׁפִים מִיָּדְךָ וּמַעוֹנָנִים לֹא יִהְיוּ-לְךָ:
 12 וְהִכַּרְתִּי פְּסִילֶיךָ וּמִצְבוֹתֶיךָ מִקֶּרְבֶּךָ וְלֹא-תִשְׁתַּחֲוֶה עוֹד
 לְמַעֲשֵׂה יָדֶיךָ: 13 וְנָתַשְׁתִּי אֲשִׁירֶיךָ מִקֶּרְבֶּךָ וְהִשְׁמַדְתִּי עָרֶיךָ:
 14 וְעָשִׂיתִי בְּאֶף וּבַחֲמָה נִקַּם אֶת-הַגּוֹיִם אֲשֶׁר לֹא שָׁמְעוּ:
 (6) 1 שָׁמְעוּ-נָא אֵת אֲשֶׁר-יְהוָה אָמַר קוּם רִיב אֶת-הַהָרִים
 וְתִשְׁמַעְנָה הַגְּבָעוֹת קוֹלְךָ: 2 שָׁמְעוּ הָרִים אֶת-רִיב יְהוָה
 וְהֵאֲתָנִים מִסְּדֵי אֶרֶץ כִּי רִיב לִיהוָה עִם-עַמּוֹ וְעִם-יִשְׂרָאֵל
 יִתּוֹכַח: 3 עַמִּי מֶה-עָשִׂיתִי לְךָ וּמָה הֵלֵאתִיךָ עֲנֵה בִי: 4 כִּי
 הֵעַלְתִּיךָ מֵאֶרֶץ מִצְרַיִם וּמִבֵּית עֲבָדִים פָּדִיתִיךָ וְאֶשְׁלַח לְפָנֶיךָ
 אֶת-מֹשֶׁה אֶהְרֹן וּמָרְיָם: 5 עַמִּי זְכַר-נָא מֶה-יַעֲזֹב בְּלֶק מֶלֶךְ

מוֹאֵב וּמֵה־עֲנָה אֶתֹּו בְּלִעָם בֶּן־בְּעוֹר מִן־הַשְּׁטִיִּים עַד־הַגְּלִגְלִי
לְמַעַן דַּעַת צְדָקוֹת יְהוָה: 6. בַּמָּה אֲקִדָּם יְהוָה אֲכַף לְאֱלֹהֵי
מָרוֹם הַאֲקִדְמָנוּ בְּעוֹלוֹת בַּעֲגָלִים בְּנֵי שָׁנָה: 7. הִירְצָה יְהוָה
בְּאַלְפֵי אֵילִים בְּרַבְבוֹת נְחֹלֵי־שֶׁמֶן הָאֵתָן בְּכוֹרֵי פִשְׁעֵי פָרִי
בְטָנֵי חַטָּאת נִפְשֵׁי: 8. הִגִּיד לְךָ אָדָם מַה־טוֹב וּמֵה־יְהוָה דּוֹרֵשׁ
מִמֶּךָ כִּי אִם־עֲשׂוֹת מִשְׁפָּט וְאַהֲבַת חֶסֶד וְהִצַּנֵּעַ לִכְתּוּב
עִם־אֱלֹהֶיךָ: